



REPUBLIKA E SHQIPËRISË  
KOMISIONI QENDROR I ZGJEDHJEVE

Komisioneri Shtetëror i Zgjedhjeve

Data: 25.4.2023

Nr: 407

Ora: 12:00

VENDIM

PËR

**SHQYRTIMIN E REZULTATIT TË VERIFIKIMIT TË PROKURORIT TË PËRGJITHSHËM PËR  
SUBJEKTIN VETËDEKLARUES Z. LEONARD VELI BEQIRI, KANDIDAT PËR DEPUTET I  
PROPOZUAR NGA PARTIA SOCIALISTE E SHQIPËRISË, QARKU VLORË**

Sot më datë 25.4.2023, unë Komisioneri Shtetëror i Zgjedhjeve, në seancë publike shqyrtova çështjen me:

**Objekt:** Shqyrtimi i rezultatit të verifikimit të Prokurorit të Përgjithshëm për subjektin vetëdeklarues Z. Leonard Veli Beqiri, kandidat i propozuar për deputet nga Partia Socialiste e Shqipërisë, qarku Vlorë, në zbatim të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”.

**Palë të interesuara:** Z. Leonard Veli Beqiri, kandidat i propozuar për deputet nga Partia Socialiste e Shqipërisë Qarku Vlorë, për zgjedhjet për Kuvendin e Shqipërisë të datës 25 Prill 2021.

**Baza ligjore:** Nenet 19, pikat 1, shkronja “n” e 2 të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, nenet 90 dhe 95 të ligjit nr. 44/2015, “Kodi i Procedurave Administrative”, ligji nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, pikat 12 dhe 13 të Kreut V, të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”,

Data: 25.4.2023 Nr: 407  
Ora: 12:00



“Për shqyrtimin e rezultatit të verifikimit të Prokurorit të Përgjithshëm për subjektin vetëdeklarues z. Leonard Veli Beqiri, kandidat për deputet i propozuar nga Partia Socialiste e Shqipërisë Qarku Vlorë”

Në përfundim të shqyrtimit administrativ,

## VËREJ:

### I.

Në zbatim të ligjit nr.138/2015, "Për garantimin e integritetit të personave që zgjidhen, emërohen ose ushtrojnë funksione publike", Komisioni Qendror i Zgjedhjeve është organi kompetent për administrimin, verifikimin, zbatimin e ndalimeve për zgjedhjen dhe emërimin për funksionet publike si dhe përpunimin për formularin e vetëdeklarimit për disa subjekte ndër të cilat është edhe "Kandidati për deputet".

Në zbatim të këtyre dispozitave, z. Leonard Veli Beqiri, kandidat për deputet i propozuar nga Partia Socialiste e Shqipërisë, qarku Vlorë, ka depozituar pranë Komisionit Qendror të Zgjedhjeve, formularin e vetëdeklarimit me nr.1853 unik.

Përpara miratimit të listave të kandidatëve për deputetë për subjektin zgjedhor Partia Socialiste e Shqipërisë, në bazë të kompetencave të veta, KQZ bëri verifikimin *prima facie* dhe pasi konstatoi se kandidati nuk është në kushtet e ndalimit, ndërmori hapat e mëposhtme:

- a. Komisioni Qendror i Zgjedhjeve, me shkresën nr. 1988 prot, datë 12.03. 2021, ka kërkuar informacion nga zyra e gjendjes gjyqësore, pranë Drejtorisë së Përgjithshme të Burgjeve, e cila nga ana e saj me shkresën nr. 2689/1 prot, datë 12.03.2021, informon Komisionin Qendror të Zgjedhjeve, se kandidati për Deputet z. Leonard Veli Beqiri, nuk ka të dhëna në sistem.
- b. Komisioni Qendror i Zgjedhjeve, me shkresën nr. 1987 prot, datë 12.03 2021, ka kërkuar informacion nga zyra e gjendjes civile, pranë Drejtorisë së Përgjithshme të Gjendjes Civile, e cila nga ana e saj me shkresën nr. 1066/1 prot, datë 08.04.2021, informon Komisionin Qendror të Zgjedhjeve, se kandidati për Deputet z. Leonard Veli Beqiri, ka ndryshuar rubrikën e mbiemrit nga Bejo, në Beqiri me Proces - Verbal nr. 40, datë 08.04.2005.

Komisioneri Shtetëror i Zgjedhjeve me vendimin nr. 146, datë 16.03.2021 vendosi miratimin e listave shumëmemërore të Partisë Socialiste të Shqipërisë, Qarku Vlorë për zgjedhjet për Kuvend të datës 25 Prill 2021.

### II.

Komisioni Qendror i Zgjedhjeve, në zbatim të ligjit nr.138/2015 "Për garantimin e integritetit të personave që zgjidhen, emërohen ose ushtrojnë funksione publike", verifikoi të dhënat në formularin e vetëdeklarimit të kandidatit për deputet z. Leonard Veli Beqiri.

Nga verifikimi i të dhënave në formularin e vetëdeklarimit të z. Leonard Veli Beqiri, rezulton se ka deklaruar:

- Në rubrikën III “TË DHËNA MBI GJËNDJEN GJYQËSORE TË PERSONIT”, të Formularit të Vetëdeklarimit,

**Pyetjes 3,** “A keni qenë ndonjëherë në hetim ose në gjykim nga një autoritet i huaj, për kryerjen e ndonje vepre penale?”, subjekti vetëdeklarues është përgjigjur me “PO”, duke deklaruar se:

Në vitin 2004, nga struktura e Policisë së Aachenit, Gjermani, si i dyshuar për të dhëna fallco (mbiemrin) në formular garancie për viza ndaj familjarëve. Çështja u pushua. Pas verifikimeve u konfirmua që familjarët e mi kanë ndryshuar mbiemrin në periudhën 1992, gjë që dhe solli dyshime mbi deklarin tim.

**Pyetjes 8,** “A keni jetuar ndonjëherë jashtë territorit të Republikës së Shqipërisë për më shumë se 1 muaj?” subjekti vetëdeklarues është përgjigjur “PO” duke deklaruar se:

Ka jetuar në Gjermani, për arsye banimi me lejeqëndrim të përhershëm për periudhën 1992-2013.

Nga konstatimet e mësipërme dhe bazuar në nenin 8, pika 1, të ligjit nr. 138/2015 “Për garantimin e Integritetit të personave që zgjidhen, emërohen ose ushtrojnë funksione publike”, Kreu V, pika 2, shkronja “c”, të Vendimit nr. 17/2016 të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, Komisioni Qendror i Zgjedhjeve me shkresën nr. 2544 prot., datë 23.03.2021, vendosi t’ia kalojë rastin për verifikim të thelluar Prokurorisë së Përgjithshme, si institucioni kompetent që kryen verifikimin e plotë të deklarimeve të bëra.

Me shkresën nr. 529/82 prot., datë 14.04.2023, Drejtoria e Koordinimit Institucional, Sektori i Dekriminalizimit pranë Prokurorisë së Përgjithshme, ka dërguar në Komisionin Qendror të Zgjedhjeve, vendimin “Për miratimin e rezultatit të verifikimit për subjektin z. Leonard Veli Beqiri, Prokuroria e Përgjithshme, pas kryerjes së gjithë verifikimeve përkatëse, i konsideron këto të fundit të plota dhe të bazuara në nenin 8, pikat 1 dhe 2, të lidhura me nenin 5 të ligjit nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike” si dhe në përcaktimet e pikës 3 shkronja “ç”, Kreu III dhe pikave 10, 11, 12 e 13 të Vendimit nr. 17/2016 të Kuvendit, ka miratuar rezultatit të verifikimit të subjektit vetëdeklarues z. Leonard Veli Beqiri, sipas të cilit konstatohet si më poshtë:

- Rezulton të ketë kryer ndryshime më datë 08.04.2005, në përbërësit e gjendjes civile, rubrikën e mbiemrit nga “Bejo” në “Beqiri”.
- Nuk rezulton të jetë dënuar, për kryerjen e një vepre penale, me vendim të formës së prerë nga ndonjë autoritet gjyqësor;
- Nuk rezulton i dënuar me vendim gjyqësor jopërfundimtar nga një autoritet gjyqësor për një çështje penale të pazgjidhur me vendim gjyqësor të formës së prerë;

- Rezulton të ketë qenë në hetim e gjykim për kryerjen në bashkëpunim të veprës penale të “Korrupsionit pasiv të funksionarëve të lartë shtetërorë ose të zgjedhurve vendorë”, të parashikuar nga nenet 260 e 25 të Kodit Penal, në kuadër të procedimit penal nr.2 regjistruar kryesisht më datë 09.02.2011, në Prokurorinë e Përgjithshme. Kjo çështje penale është dërguar për gjykim më datën 18.03.2012, në Gjykatën e Lartë që me vendimin nr. 6 të datës 21.09.2012, i ka kaluar aktet e këtij procedimi penal në Prokurorinë e Përgjithshme, e cila ka vendosur më datë 05.11.2012, pushimin e çështjes penale, bazuar në nenin 328, pika 1 gërma “dh” të Kodit të Procedurës Penale.
- Nuk rezulton të ketë qenë i ndaluar apo i arrestuar nga organet ligjzbatuese, për kryerjen e një veprë penale;
- Nuk rezulton t’i jetë caktuar masë shtrënguese e sigurisë personale;
- Nuk rezulton të jetë lëshuar ndonjëherë ndaj tij urdhër kërkimi ndërkombëtar lidhur me kryerjen e veprave penale;
- Nuk rezulton të jetë marrë ndonjëherë për të masa e dëbimit nga një shtet i huaj, në lidhje me një prej rasteve të parashikuara në pikën 1, shkronja “a”, “b” dhe “c” të nenit 2 të ligjit nr.138/2015”Për garantimin e integritetit të personave që zgjidhen emërohen ose ushtrojnë funksione publike”, apo për cënim shumë të rëndë serioz të sigurisë publike;
- Nuk rezulton të ketë të tjera indicie apo të dhëna a rrethana, fakte të bëra publike apo informacion, me qëllim verifikimi të mëtejshëm:
  - Për veprimtari kriminale të kryer jashtë territorit të Republikës së Shqipërisë;
  - Për qënien në hetim ose gjykim nga një autoritet i huaj;
  - Për udhër kërkimi ndërkombëtar lidhur me kryerjen e ndonjë veprë penale prej tij;
  - Dëbime nga territori i ndonjë shteti jashtë territorit të Republikës së Shqipërisë;
  - Përdorimin e të dhënave personale/gjenealiteteve të tjera.

Për sa më sipër subjekti vetëdeklarues, z. Leonard Veli Beqiri, kandidat për deputet i subjektit politik, Partia Socialiste e Shqipërisë Qarku Vlorë, nuk përfshihet në fushën e veprimit të nenit 2 të ligjit 138/2015, “Për garantimin e integritetit të personave që zgjidhen, emërohen ose ushtrojnë funksione publike” dhe vendimit nr. 17/2016 të Kuvendit të Shqipërisë. Referuar të dhënave të disponuara, kandidati nuk është në kushtet e ndalimit të kandidimit/moszgjedhshmërisë.

Komisioneri Shtetëror i Zgjedhjeve me vendimin nr. 415, datë 23.06.2021 miratoi shpërndarjen e mandateve midis subjekteve zgjedhore, përcaktimin e kandidatëve fitues si dhe rirenditjen e kandidatëve, në zonën zgjedhore qarku Vlorë, për zgjedhjet për Kuvendin e Shqipërisë të datës 25.04.2021. Partia Socialiste e Shqipërisë në Qarkun Vlorë ka fituar 8 (tetë) mandate dhe z. Leonard Veli Beqiri, kandidat i listës shumëmemërore të Partisë Socialiste të Shqipërisë, në zgjedhjet për Kuvendin e Shqipërisë të datës 25 Prill 2021, Qarku Vlorë, nuk ka marrë mandatin e deputetit.

## PËR KËTO ARSYE:

Bazuar në nenet 19, pikat 1, shkronja “n” e 2 të ligjit nr.10019, datë 29.12.2008, “Kodi Zgjedhor i Republikës së Shqipërisë”, të ndryshuar, nenet 90 dhe 95 të ligjit 44/2015 “Kodi i Procedurave Administrative”, ligjin nr.138/2015, “Për garantimin e integritetit të personave që zgjidhen, emërohen ose ushtrojnë funksione publike”, pikat 12 dhe 13 të Kreut V, të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”

## V E N D O S:

1. Konstatimin se z. Leonard Veli Beqiri, kandidat për deputet i subjektit zgjedhor Partia Socialiste e Shqipërisë Qarku Vlorë, nuk përfshihet në kushtet e ndalimit për të ushtruar funksionin publik të deputetit.
2. Ky vendim hyn në fuqi menjëherë dhe publikohet në faqen elektronike zyrtare të Komisionit Qendror të Zgjedhjeve.
3. Kundër këtij vendimi mund të bëhet ankim në Komisionin e Ankimeve dhe Sanksioneve, brenda 3 (tre) ditëve nga shpallja e tij.

**Komisioneri Shtetëror i Zgjedhjeve**

**Ilirjan CELIBASHI**